

榮縣志

山脈第四

榮山縣也。山凡兩大幹。其北曰鐵山。自資州威遠交榮東北角。西行經仁壽并研南界。如大龍。萬山皆爪。入犍爲去。其勢善發。其南曰野客山。如大城。橫亘二三百里。萬阜宮其中。入宜賓去。其勢善納。

鐵山自東徂西。數其支自東始。取東曰榮德山。唐武德元年置州。取山爲名。則榮德之名古矣。元和志。山在旭川縣東北。三十五里。寰宇記。是山在山谷之中。獨拔五百餘尺。中有老君祠。刻石爲像。有小路至山頂。以木爲梯。按言山谷非也。山突起橫岡上。純石如甌。如龍鋸角。

榮縣志

山脈第四

一

其高出萬山。老君祠在上。非中也。而上無風。距呂仙崖如一箭。升降則爲塗五里。洪荒時實一山。後中斷耳。開元二十年。刺史薛高邱摩崖言仙靈事。今已滅。石晉天福中。陳搏入蜀。文同陸游均言之。以希夷故。遂稱石室。二十四龍池。千葉蓮矣。元至正十七年。判官曹詩保此有碑。數畛。即呂仙崖。本李家崖也。咸豐中。民砦其上。祀洞賓。且附神說。鄉人尊信之。砦南一峯曰獅子砦。迤東曰碁子崖。以石傳。

次東則恩沐山。恩沐所由名。疑非土人臆創。而無可攷。其山分三支。東爲天乙山。爲砦。一牛心砦。長二十丈。



廣十餘丈。居民十餘家。一牛頭砦長一里。廣四十丈。砦門一。居民六十餘家。牛頭砦又爲大坪山。牛角石。石相距數丈。中有穴。風吸則鳴。又爲汪家山。大坡山。土圍山。山多礦。土人鎔之曰礦灰。故曰石灰坡。又爲岳峯山。寺以之名。又爲亂石山。燕子崖。崖有佛。明萬歷時刻。鄉人鑿梯以祀。又爲雲峯山。寺曰雲峯庵。清名鐵板寺。又爲黃葛巖。界威遠。恩沐山南爲丁家山。尖山。半天雲。馬鞍山。其山蒼蒼。一名月亮巖。云石有光也。又爲白巖。靈山寺。老林山。張榜山。榮梨山。榮梨山一名五龍山。唐乾符元年。禱雨碑。古寺碑。均滅。惟慈雲寺。乃宋勅賜者。

榮縣志

山脈第四

二  
XIX. 三

今名五龍寺。熙寧八年。封山神爲靈應侯。十年。賜五龍池榜。勅曰。會應廟。詔文具載。池下有穴。曰龍洞。宋進士魯清爲碑。有立囂崖。是於縣爲要典。青陽降居江水。先民審之矣。寺後有鴛鴦池。崖有蹟。俗輒曰仙人足蹟。山產白點石。可製器。知縣陳之璵旌之曰流水桃花。恩沐山西爲天生橋。石梁也。郡守邵勳有詩而土。又爲亮窗山。山有孔。如窗然。天生橋又爲大石門。小石門。涌起曰龍標山。有寶勝寺。過坳曰金魚寺。下至龔垠止。榮梨山之支。爲高松山。觀音坡。貢井。通衢也。多坊表。東爲西瓜山。趙家巖。石塔山。石鼓崖。雷崖。鳳皇山。插旗山。



乙乙而行。抵旭川。西由桐子坳迤邐而下。爲天生砦。花  
雞坳。雙路口。又爲土門山。舊爲關。呼土門子。今日過街  
樓。抵東溪。宋開寶三年。菩提碑已泐。雙路口抱城。爲  
大佛山。宋元豐間鑿。凡八年。汜元祐成。佛高三十六丈。  
與山齊。陸游東山詩云。老慣人間歲月催。強扶衰病上  
崔嵬。生爲柱國細事耳。死畫雲臺何有哉。熟計提軍出  
青海。未如喚客倒金壘。來朝日出春風動。更看青天萬  
里開。山半有嘯臺。廢臺已無隱士嘯。嘯臺載酒雲生屐。  
皆陸句。舊有屋。宋刺史李燾。馮儼摩崖記勝。山頂爲牆  
如堡廡。崖曰眞如。下有眞如觀。一勝亭。宋刺史李燾建。  
榮縣志

榮縣志

山脈第四

三

卷之二十一

歲寒閣。俱廢。有卷者阿龍洞也。今羅漢洞。世稱龍湫。夜  
月。唐開化寺有碑。其洞陸游題詩。接白雀寺。沿崖佛相  
悉唐刻。摩崖者眉山蘇仲莊來游。淳熙五年六月七日。  
又淳熙甲辰。重陽後三日。隆山喻德明。溫元東。何仲符。  
員誠。父趙來介。來款龍洞。登嘯臺。又嘉熙二年春。仲李  
鑑攝府事。謁王大父文簡公祠。題名。眞如崖。又爲中  
和山。世稱雙獅結尾。宋人題名。屈曲三洞。深廣各容百  
人。又爲虎頭山。明知縣王夢魁。易曰龍頭。有元帝祠。明  
建塔高十尋。曰鎮南塔。嘉慶五年。達州教匪之警。知縣  
龔巽爲砦。曰東匯砦。下百步曰榮門山。對金碧崖也。山



下有立壇觀。明知縣張九思改三教堂。後題興國寺。已廢。溪瀕擦耳崖。乾隆初。知縣徐德龍修鎖江橋。廣其路。里人建觀音閣於上。多鐫題。龍頭山又爲馬案山。跨鼇山。古蓮經社也。俗稱麻柳灣。榮梨山又南爲大坡山。青欄坡晏子崖。大坡山又爲板橙山。猴子巖。巖有洞曰湘陽洞。又爲天福砦。俗曰觀音巖。廣五十餘丈。長六十餘丈。猴子巖又爲柸木巖。柸木巖黃葛尖山。鹿角砦。砦廣四十餘丈。長百餘丈。天福砦又爲千秋坂。市曰張家場。當山坳。又爲貓兒山。石刻迎貓祭虎字。明進士簡文瑞葬焉。界威遠。千秋坂又爲方家坪。近爲

榮縣志

山脈第四

四

方家坪

九嶺岡。故明市也。又爲九龍山。張獻忠燬其寺。東由威遠。白巖至榮陵山。一名金臺山。有大才寺。太保祠。砦曰大才砦。國變五年。砦姦通匪。練丁李才華死之。分二支。東爲鼎鳳山。寺曰破塘。又爲簸箕山。七老芙蓉山。團防山。四字山。太保山。烏木巖。高廟山。卧龍山。黑霧巖。白袍山。玉枕山。則鼎新寺鄉市矣。抵旭川。西爲羅邨。宋址也。後爲驛。曰羅邨鋪。又爲大汪家山。馬鞍山。進士曹俊亮宅其下。市曰雙石橋。又爲大明山。有古刹。又爲翔鳳山。寺曰石堰。又爲銅鑼山。抵旭川。方家坪西分一支。東爲挂榜山。大名山。獅頭山。一曰薄刀嶺。逕雙石橋。西爲



馬耳山抵旭川。西爲麥子山。梯子崖。春臺山。明桐麻鹽司迎春處。又爲花金巖。水三知之。又爲青崖山。張容塾所抵旭川。方家坪。又南爲鐵丁山。破頭山。虎榜山。明人勒名。屈而東爲石筍山。思子山。鳳皇山。又爲文明山。武功山。市曰李子橋。又爲官斗山。道歧寺。虎榜山。又爲石鳳山。乾隆三十四年勒名。明鄉宦童顏葬其麓。又爲祈雨山。程家場。市集也。又爲羸子嶺。俗稱仙人羸迹。故明市也。知縣黃大本易曰樂嶺。咸豐庚申築砦曰樂嶺。砦清設雲程講社。有寺。曾省三爲之記。樂嶺近爲鶴鳴山。寺曰松林。多明詩。又爲仙人嶺。俗曰龍峯砦。羸

榮縣志

山脈第四

五

五十一

子嶺分二支。東爲太平砦。咸豐癸丑。曾省三建。又爲白廟。光緒二十八年建市。又爲官房山。又爲全家山。柿子嶺。走馬嶺。至橋頭鋪。抵旭川。西爲道澄寺。孔老山。石蘿琴花巖山。紅巖山。舊紅巖村也。又爲娃娃山。市曰龍潭場。抵旭川。羸子嶺。又南爲豹子山。咸豐張萬祿殉難處。從者百八十八人。葬山麓。光緒元年碑之。張屯軍浸水坳。今近境皆曰營盤山。表忠也。豹子山。又爲師子山。石人山。尖山洞雲寺。宋寺也。有紹熙府榮德縣寺僧碑。又爲插花山。破栗山。教禮山。插花山。又爲官斗山。省石形。曰石鑼石鼓。又爲司字山。鵝頂嶺。梳竿山。又爲平



頭山。俗言仙女對坐。呼其石曰仙女石。又爲天池山。明平方禪院也。今日天池寺。麓有泉曰應龍。明鄉宦吳氏族葬處。又爲貢井。走馬嶺。么灘。縣界止。

次日狗功石。俗云有行者過此遺金。其狗守之至死。行者返感其功。禮葬之。故名。語蓋不經。然魏書爾朱榮傳有狗舐泉。古地不必雅馴也。或曰芍公石。縣正北東爲分水嶺。又爲傅家山。老君洞。西爲蓮花石。鄧家山。正支爲大度羅漢。其西大尖山。南爲高谷山。五里山。粉壁山。老君墳。八十三步。大石門。小石門。又爲牛角山。僧稱瞿室。稜伽山。直下則野鷄塘。宋墳。東支趨城。至豸嶺山。又

榮縣志

山脈第四

六

卷之三

分支。一繞宋墳。曰仰天塘。九曜石。舊刻其二。曰七星石。至橫溪濱。李墳盡。一爲城主山。曰鳳皇山。原曰高城原。義門王氏塋。此王氏者。北宋太常博士夢易廉遜處士庠。徽猷閣直學士序。羣子姓。祔之前。曰王序塘。蓋序晚治第爲臺沼。而靖康禍作矣。山右小支爲太平山。赤珠山。接李墳山。左爲虎洞。陸游有詩。一曰少陽洞。飛霞洞。今優婆夷所。負郭則厲壇。偏其西。正支入城。歧爲五。明按察司僉事涿郡李敷贊爲小錦城。中曰鳳鳴山。宋嘉祐寺址。僧祖元闢此君軒。山谷題詩。後并祠山谷。元魏前。僧通稱道人。祖元王氏。元字與无形。近故文信國公。



稱祖無大師。詩石爲明按察司僉事薛英取去。亭於署左。嘉慶十一年。知縣許源重闢軒。開試院。蓋前此試士萬壽寺。非制也。寺有井曰龍井。清時以長落卜科第。奇諛。其竹梧堂及山麓鳳鳴堂。連雲堂。鄂鞞堂。俱廢。惟明察院行臺。康熙四十九年。知縣李鏞以建鳳鳴書院。國變後。購改中校。今市肆矣。書院後四柏堂。明榮德社學也。正德時。社長吳天祿翦叢薄。得四柏。爰榜其堂。舉人楊桂丹爲記。楊石爲詩。書堂四柏立庭中。直幹亭亭翠埽空。入夜月穿金錯落。當窗雨過玉璫瓏。歲寒離立如師友。人品孤高歷雪風。好夢故知天賦予。三槐曾見接

榮縣志

山脈第四

七

卷之三十一

三公。清曰景行義學。後由蠶務改女校。山之左坂。舊有學曰養正。初曰樂陽社學。在桂林街。道光二十年。知縣胡澐移此。今爲民居。鳳鳴山東爲天慶山。有天慶觀。今日玉皇觀。下有神龜厓蓮花池。清初池廢爲塘。縣署取租。乾隆時。黃大本移給鳳鳴書院。前爲縣署。卽唐宋已來治所。愛蓮亭六合亭。俱廢。署西荷池。以劉兼詩定爲唐池。嘉慶中。許源亭池中曰鏡香。蓋襲秀州撫州亭名。又東爲桂林山。唐貞觀中。建孔子廟。舊志武德元年。置時榮州。尙治公井鎮。至貞觀二年。置旭川。州縣祀孔子禮。見於許敬宗奏。則武德之誤。決宜譚正也。明初仍



建桂林山。故有提學王文碑。嘉慶十九年。知縣宮鑑桂  
建桂林書院。道光丁未。張軒鵬長院種桂以實之。今由  
勸學所改教育局。鳳鳴之西曰蓮宇山。宋紹興十三  
年。刺史孟某建孔子廟。有九域圖碑。豎廟內。鴈塔列泮  
池旁。敬一亭久廢。清時學署西掘得蘇詩碑。旋佚。又西  
曰清富山。范鎮詩坐酬風景登清富。張商英亦云。爲清  
不富。爲富不清。二者兼之。難乎其名城。陰最高險。宋人  
書九摺屏。嵌城之壁。清富樓在其上。右迎曦亭。左襲香  
亭。前來薰亭。後望熙亭。商英有來薰亭詩。可知州治之  
勝。王象之云。犬周聖德碑。在子城門外。長安二年。韋縝  
築縣志

山脈第四

八

卷之三十一

立子城者。環刺史署爲垣。世所稱古城也。唐世系表有  
韋琪。榮州刺史。韋玠兄。不知琪卽縝否。宋元紹熙府卽  
昔州治。五季司倉參軍勾延慶撰州院碑。已沒。其宸章  
閣。奎章閣。刺史晁公武經閣。俱廢。嘉道時。居人於菜圃  
廝得石馬金獅。咸同間。獲大硯。光緒中。得銅器累累。國  
變十二年。張氏治第佛池。得銅印。文曰皇天錫策之家。  
知爲紹興二十年策封孝宗爲皇子。故光宗製此印。八  
方琉璃井猶存。明龔匯榮王府詩。清風坪上紹熙城。繞  
郭山光照鳳鳴。瓦礫已隨朝市變。樓臺猶想帝王榮。西  
湖末局成終古。南渡光皇尙太平。夜步赤沙溪上月。相



看無語總多情。至宋史稱大中祥符初。州廨生芝。則阿世云爾。陸游桃源憶故人詞序。三榮郡治之西。因子城作樓觀。曰高齋。下臨山邨。蕭然如世外。予留七十日。被命參成都戎幕。臨行。徙倚竟日。作此。斜陽寂歷。柴門閉。一點炊烟時起。鷄犬往來林外。俱有蕭然意。衰老去。疏榮利。絕愛山城無事。臨去。畫樓頻倚。何日重來此。所見當今程垣。唐劉兼登郡樓書事。宜卽此。王培荀詩。山上松濤聒耳忙。注。署後鳳鳴蓮宇諸山。祠廟間松杉最多。今濯濯矣。

次西曰大凰山。或曰大黃山。以產名。縣北而微西。西行榮縣志

山脈第四

九

XI. 0. 11

至簦葉坪。東爲黎家山。下東川溝市。十餘里爲箐林。又十餘里洛陽溪。龔匯詩。石門門外白雲飛。路入東川步。步奇。馬上看山呼得應。溪邊留月影如規。松房雨過飄丹桂。箐口烟寒護紫芝。金馬玉堂人去遠。清風未許此山移。匯明人。尙不敢昌言胡氏事也。南爲鵝頂嶺。趙家山。大頭山。團山。獅子巖。咸豐庚申建砦。又爲翠筆山。山尖如筆。舊稱翠壁。乖其實。西爲尖山。太平山。金城山。人稱飛虎殿。二峯如垣。多竹。張獻忠之亂。彌陀寺燬于火。無一竿焉。又爲鐵峯坪。天車坡。大皇山。又西爲木魚山。明天堂寺。清巨剎也。光緒二十八年燬。東爲大坪。有



市曰月亮場。又爲龍王山、萬石山。咸豐時建觀音崖。岩又爲伍家山、石人山、螃螬山、尖頂坡、石龜山。見文與可詩。今稱聳雲山。有石穴。黃山谷題曰地仙洞。北宋義門王氏居。俗曰雙溪書閣。山盡西爲白雲庵。俗曰芹菜田。又爲石柱墳、程家山、麟巖。岩下瞰木梯崖。咸豐己未建。愚民集諷皇經。懸令構之。成大獄。以李西漚得解。出岩爲佛頂山。俗曰銅鑼頂。全坡曰江家山。

鐵山又西。其支曰獅子山。縣西北。下行老林口。接高石梯。西人追暑處。又爲楊泗巖。洞有像。下卽蕭家山。最高者九霄頂。世稱天鵝抱蛋。城中望之如尖茵。其側壁則

榮縣志

山脈第四

十

×川。一五

黃櫃林大崖也。南爲山王廟。陟鼠石。俗呼鼠曰耗子。又曰穿簾子。川滇之戰。軍牘皆書穿店子。全山曰烟坡山。下抵烟坡橋。九霄頂又南爲徐家山、母安山。古音母如馬。白石山下曰白石鋪。舊驛遞也。其陰爲牛頭巖。又南曰五里墩、女兒石、哆口石、古崩巖也。牛頭巖之支。隱隱隆隆。趨于城。爲觀音巖、瑜珈山、趙坦、坦。宋時校州兵地也。西轉鳳棲山。一名萬景山。有高洞曰鳳棲洞。明知縣熊大輅刻曰洞口桃花。舊有樓曰萬景。後圯。嘉慶中。許源重建。凡三成。祀洞賓。人多無聊之詩。山畔有仰高亭。麓爲迎恩亭。以嘉靖時西門曰迎恩門也。通魚塘。



坳。爲晴雨崖。崖浸水不絕。一日靈棗崖。下有廟。祀漢靖侯龐統。俗曰土主灣。土主即杜主。杜主杜宇也。華陽國志。杜宇曰望帝。唐劉兼登郡樓書事詩。望帝古祠花簇簇。準之地望。蓋即其處。則土主之稱有自也。嘉慶元年。掘一碑。其陰刻靈棗。崇寧四年九月。夢溪沈博毅書。蓋括子也。陽刻通惠威烈顯應侯殿。嘉定元年冬月。朝散郎新知簡州軍事臨邛楊仲修書。全山如屏。沿崖多佛像。宋時金碧爛然。故稱金碧崖。又曰千佛崖。頂曰鏡鉢頂。俯瞰全城。明奢寅之變。賊入城。僧古泰以其徒登山吹角。賊出圍之。適千總梁偉之。亦由縣南吹角而至。賊

樂縣志

山脈第四

十一

×111011

愕。援師奔威遠。嘉慶五年。達州教起。知縣龔翼。翼修來安砦。咸豐之亂。賊至麻柳坳。不敢近。其廣忠寺已廢。惟法華庵存。後有金花寺。南迤爲唐開元寺。宋史侂甘露降者。有銅佛。俗曰二佛寺。轉角爲青陽洞。史記黃帝之子。立囂爲青陽。降居江水。舊東有青陽寺云。哆口石之支。西爲石碓窠。師子頂。馮家山。東爲長安洞。里呼趙家洞。馬頭山。五里墩。又南爲太子殿。麻柳坳。東爲望塔巖。又爲石鼓山。觀音巖。西爲土地觜。蠟樹山。青果崖。和尚頭。鳳皇頂。市曰文昌宮。又爲土地場。故市也。後燬。又爲石塔坡。楊家場。抵白石山水。麻柳坳。又南爲過水。



坳。山市也。東爲兩木山。龍蟠山。曲江崖。漁磯山。俗曰釣魚臺。磯上刻榮隱公像。龔翼詩。釣臺千古首嚴陵。大澤羊裘世豔稱。何似筠山老榮隱。併無名姓到觚棱。西爲萬家山。又爲宋之芭蕉園。虎巖。過水坳。又南爲盧家山。香柏園。又爲樂德鎮。康熙時建市。明爲旅亭。同治乙丑。五月五日。火。有馬蹠市口。阻逃者。故罹災衆。東爲佛首山。石牛山。南棊盤山。西南二龍山。明李銳有廣福山寺詩。香柏園。又南爲荔枝墳。榮自昔多荔枝。陸游高齋小飲詩。荔子陰中時縱酒。負郭然也。北門有荔枝墳。公井有荔枝塘。與此爲成數。側生繁縣矣。荔枝墳西

榮縣志

山脈第四

三

八〇文〇十一

分二支。東爲麥子山。寨子山。奉眞山。唐有奉眞觀。左龍頭山。右清涼山。宋進士李一飛。明知縣。李銳有詩。前有荷池。楊家場。水經之。與荔枝墳水匯。故市曰河口。西爲祁家巖。尖山。王家巖。老鼎坡。下爲昌化。知縣楊州英宅。抵白石山水。

鐵山。又西。其支曰石岡。砦咸豐庚申建。北爲板橙山。南爲大呀口。遠益奇。又西爲黃茅山。又西爲栗樹坪。其樹青葱。子如豆蔻。大合抱。姑以爲栗也。又西五砦坪。凡五砦故。栗樹坪。又西爲尖山。沙盛砦。鳳冠山。平頂山。又爲亮洞山。山顛一穴。睽睽然。麓有寶勝寺。俗名石塔寺。



又爲燕子崖。高者牛峯岩。古雲臺山也。咸豐時建此。凡五門。四門皆鑿懸崖。趙熙詩。萬峯高處古雲臺。大石蟠空壁。塢開歷盡興亡。修亂史。造成形勝費雄才。千家人向眠牛聚。四面山如怒馬來。獨立倚天長劍在。使從左股割蓬萊。時感日本不平之約。故云。下爲龍井寺。狻猊口。抵擁斯茫水。平頂山。又爲琢巖。火穴山。亦稱仰天阿。又西行爲插旗山。馬爾山。嘯天龍。據萬山之顛。古關阨也。有塘房。烟燉望樓。塘兵。明王文題曰。三榮形勝。下爲白馬嶺。有明浙江道監察御史宋洵之墓。東爲麓。舊驛曰青岡鋪。南爲鷹窠巖。洞屏山。磨盤山。五旗山。真武

榮

縣

志

山脈第四

三

山川。二

山。宋靖康三年。建真武觀。又爲高石山。西爲確。白崖。鄴家崖。望兵山。斑竹山。趙家山。抵擁斯茫水。

又西曰榮隱山。云榮隱公隱處。舊有榮隱庵。古筠山。王建通正元年。國號漢。有筠山虎。詠云。筠山高極入穹蒼。人道虎爲殃。人行過此。不曾傷。咸陽宮闕在平地。高鹿食人無數計。吁嗟苛政猛於虎。斯言垂萬古。蓋徒謂曰。謠也。其顛曰老君臺。榮德榮隱。均標老君。唐風也。合榮梨。稱三榮。山有修道院碑。已沒。其脈自尖山而南。東爲太平山。光斗山。鐵石山。金像巖。鐵廠鋪。乾隆十九年。建市。陳搏書。長生無極碑。立市西。榮倚鐵山。之利。諸葛武



侯鑄兵器。唐貢利鐵。茲一古冶也。有宋桐子園。在官路旁。東坡外弟程正伯。咳三榮道上。愁倚欄。詞云。山無數。雨瀟瀟。不似芙蓉城下。去。柳如腰。夢隨春絮。飄飄。知他在第幾。朱橋。說與杜鵑。休喚怕魂銷。老君臺下。二臺子。乾隆十七年。設社倉。南爲公館山。七老芙蓉山。東文山。鷹齋巖。杜家井。舊鹽井也。今爲市。西爲雷鳴泉。明提學王文刻道旁石。下爲笮丁巖。廖家山。牧牛山。抵五桐埧。榮隱山之支。東爲游甲山。白坡。龍洞山。又南爲迴龍山。登望山。分二支。東爲馬頭山。菩薩巖。巖高一里。寺附之。曰半邊寺。多森林。又爲龍澤山。高石嶙嶙。有龍洞。惟榮

榮

縣

志

山脈第四

十四

八川也。三

雨是禱。西爲三星頂。砦子頂。迤行至卧龍洞。俗曰嚴家洞。明正德四年。嚴作會建寺。又爲鎮紫場。或曰汲水鎮。非也。宋汲水鎮。今宜賓合江鎮。其山終苦葛沱。砦子頂。又西爲涼風頂。東爲虎耳巖。虎頂。尖山。國變十五年。五月。山崩。虎頂。又爲童家營。咸豐建砦。又爲觀音巖。紗帽山。抵擁斯茫水。西爲夕陽山。天星垠。金鳳山。古堰山。鳳翥山。市曰古家場。至申埧。抵擁斯茫水。榮隱山之西支。爲五甲山。人石山。王家山。東爲羸子丘。西爲松樹嶺。王家山。又西爲郝家塘。居士洞。郝家塘。又西爲梯子巖。市曰夏頭鎮。又西爲老成巖。老虎嶺。東爲鎮紫山。



江家山。明末之亂。張氏率眾保此。有名。市曰永興場。近蟠龍洞。西爲市營嶺。殺牛頂。鏡鉢頂。市曰李家場。市營嶺。又西爲朱靖巖。楊家山。小井溝。抵擁斯茫水。縣遠北曰二廂山。自仁壽石牛山而西。南爲翰林山。觀虎巖。西禪寺。西爲烟波山。大刀砦。砦宋寶祐五年建。時元兵破全蜀。紹熙府垂廢。人民自相保居。壁刻西湖海眼字。惜宋亡也。又爲平安砦。咸豐辛酉建。遜大刀砦奇。又西爲華陽山。疑因南齊南安郡製名。郡有華陽縣也。又西爲黃茅山。中夾婁溝。抵擁斯茫水。

次日戈剡山。在西北。由井研黃蜂砦而南。逕余家場。爲榮縣。志

山脈第四

五

卷之三十三

戈剡山。舊曰鍋椿石。云仙人支鍋於此。西爲印盒山。水星山。山瀨水出也。印盒山。又西爲觀音寺。俗曰白果樹。東爲市曰復興場。近方沖。但怒岡之里也。怒岡。性廉毅。喜讀書。字法經。石峪。向非學武。一旦治兵爲軍長。勇冠諸州將。蓋秉山之巖氣云。又爲麻雀巖。石鳳山。寺曰妙覺寺。西爲龍石。犬石門。龜河橋。觀音寺。又西爲柑子巖。胡笳山。折而南。爲文家山。奇。兩頂。又爲瀨河埧。方十五里。寰宇記。瀨下六池。今日六區。早年挽水澆之。官地相傳。禁人耕種。宜以瀨河名市。而俗曰觀山。豈已。奇。兩頂。又南爲黎家坡。東爲千佛巖。戈盤山。鐙竿山。竹園。



鋪。宋光宗園也。西爲楚家山。觀兒山。黎家坡。又南爲石骨巖。春山。齊家山。木蘇山。明進士楊易施屋。曰楊家寺。石骨巖。又南爲火頂巖。又爲鐵山。坳馬當山。長山市。曰長山橋。水曰長山河。火頂巖。又南爲踏子山。小市也。國變十四年。白駒與藍文彬戰。平田血沸。怒于國仇。又爲升平山。尖山。來牟鋪。寰宇記有賴牟鎮。陸游賴牟鎮早行詩云。孤燈照影聽初鷄。攬轡情懷倍慘悽。雪作未成雲意鬧。茅荒無際客魂迷。觸寒手指藏猶裂。畏嶮圖書棄不攜。老去有文無賣處。等閒題徧蜀東西。南齊僑立南安郡。有碑。清初市廢。後復興。乾隆中祀牟子才榮。縣志。山脈第四。夫。XIXOIX

榮

縣

志

山脈第四

夫

XIXOIX

兄弟。以爲來牟鄉故。昔郭崇韜過子儀墓。下馬號慟而去。其智同矣。賴牟鋪。又南爲石筍山。舊稱石筍排空。麓有寺曰龍窠寺。南曰石鼓山。又爲游龍山。云有龍眼石。諸山皆石史也。石筍山。又南爲和安砦。咸豐廩生劉肇。基建。俗曰黃葛巖。又爲五福砦。以五峯名。咸豐劉維藩。建五福砦。又南爲白崖山。元和志在資官縣西北十里。今爲二砦。曰小白崖。犬白崖。三砦。倚角。卽此。可定資官治矣。由大白崖而南。越數山。曰老虎口。亦砦也。南爲筆架山。鐘鼓山。北爲老砦子。又爲瓦礫巖。馬槽巖。與老虎口形勢相倚。故小而爲砦。筆架山。又南爲鏡鉢



山水星山長腰山。石筍山又西爲石梁西土垣又爲  
北斗山郭家山劉家場巨市也又爲瓦滓灘有鹽井舊  
隸榮廠同治初改隸爲劉家場又南爲胡家巖豔紫巖  
入隸爲。

西南曰大坪山由隸爲之鐵山宛延而至北爲老農場  
市集也明日老人場又爲蕭家垵余家廟明弘化中建  
至大坪山東爲紅巖觀音巖馬頭山西爲白崖金花山  
市曰金花殿五峯遠峙俗以五嶽呼之又爲人和砦青  
湖山惟圭山之名爲爾雅。馬頭山西爲栗樹垵雷音  
寺琉璃山入宜賓東爲四方山平安砦張獻忠之亂里

榮縣志

志

山脈第四

十七

川文獻

人保聚於此砦門僅存山下積水草乾隆時始溝理之  
墾爲田平安砦又爲嶽曰淵山寺明弘化碑稱宋寺也  
今日高峯自是爲丘爲壘六里曰寶山市爲董家場隸  
爲孔道也初爲旅亭康熙中建市咸豐己未歲杪燬于  
賊後廢修之北爲水晶山九龍山南爲營垵山明末之  
亂虞占高桂高兄弟有材武以嘉定楊展之委率鄉兵  
據山禦賊里境以全故襴其山山又南爲馬鞍山豹子  
山抵擁斯茫水。

野客山元和志公井縣野客山在縣南六十里寰宇記  
公井下野客山從當縣界至嘉州隸爲東西長二百餘



里南北七十里。惟此山大在邑界。蓋鐵山之支。各山自爲氣貌。野客山則羣山一脈。其結撰同太行。其土色樹色。截然異平地。縣人通呼巖上。而萬阜層複。每地多爲之名。唐書應靈注。景龍二年。省雲州及羅水雲川。胡連三縣入焉。今揆之。皆野客山地。或古熨人居也。由半崖隱隱而起。南爲兔兒山。橫崖如障。曰李卯崖。馬營崖。云張獻忠之亂。有馬氏者。將兵。與其女金花殉葬巖上。因以名。曰紅石崖。梯子崖。尖山。牟子崖。鷹巖。觀音巖。皆巖口也。趙熙入野客山。至烟墩詩。是入宜賓道。縣南天半青。時平戍鼓息。樹密土山靈。僻地猶鄉塾。談兵亞井陘。

榮縣志

山脈第四

六

三〇一五

松風十八里。漢制此兜鈴。鷹崖分二支。東爲銀盃坪。代家巖。龍池。馬尾坡。抵打石溪。西爲滾狗崖。三星山。揚鷹石。俗曰壓鷹石。又爲鳳皇山。花崖山。太極山。祈雨山。抵旭川。觀音巖。分爲梁家山。諸葛塢。介板山。石銀山。紅石崖。南爲土門山。有土門寺。又南爲烟墩山。寺曰烟墩寺。云張獻忠之亂。馬氏駐軍於此。東爲文昌坪。西爲古文場。安家廟。烟墩山。又南爲柑木灣。大石坳。旁爲鎮雄山。鐵甲山。照石山。又爲雲峯山。五寶山。市曰五寶鎮。宜賓孔道也。大石坳。又南爲平水坳。瓦陶灣。東爲銅鼓嶺。三堰。犀牛山。西爲宋家山。官斗山。圓山。寒婆嶺。



抵照石溪。又爲朱王孔馬鞍山。石灰巖斛斗山。抵旭川。瓦陶灣。又南爲青欄坡。七由田。又爲子鑿山。蓮花山。有蓮花寺。明末寺僧善拳技。隨知縣秦民湯死于難。堂堂忠義之氣。河聲嶽色矣。市燬。道光閒修葺之。又爲南禪山。寺以名。道光中僧雲空能詩。與觀音庵文峯。其佳處。九僧之亞也。一名孟鉢山。文峯寄雲空。上人有孟山。轟轟翠鬱。天句。又爲普會山。天公山。界宜賓。七由田。又爲箐林灣。廣華山。洪昌崖。圓明山。有圓明寺。箐林灣。又南爲沙坦。東爲沙溪口。大山坪。石牛山。西爲豆子山。土地坳。又南爲黃沙垠。唐宋榮爲州。故山境長且博。今入

榮縣志

山脈第四

十九

リリリ。川三

宜賓止。